



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.256/2025

**PANELI ZGJEDHOR PËR ANKESA DHE PARASHTRESA (PZAP)**, në panelin e përbërë nga gjyqtarët: Skender Çoçaj kryesues, Kymete Kicaj dhe Arsim Hamzaj anëtarë, duke vendosur përkitazi me ankesën e Subjektit Politik Lëvizja Vetëvendosje (LVV), me seli në Prishtinë, paraqitur kundër Subjektit Politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 01.02.2025, merr këtë:

### VE N D I M

Refuzohet si e pabazuar ankesa Anr.256/2025, e datës 29.01.2025, e parashtruar nga Subjekti Politik, Lëvizja Vetëvendosje (LVV), me seli në Prishtinë, të paraqitur kundër Subjektit Politik, Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë; 09.02.2025.

### A r s y e t i m

Me datë 29.01.2025 PZAP-i, ka pranuar ankesën Anr.256/2025, të parashtruar nga subjekti politik Lëvizja Vetëvendosje (LVV), me seli në Prishtinë, në të cilën pretendon se me 29 Janar 2025, Qendra e Lëvizjes VETËVENDOSJE! në Prishtinë ka identifikuar banerin/posterin e vendosur në hapësirat/rrugët publike të kandidatëve për deputet të LDK, Lumir Abdixhiku dhe Xhafer Gashi, të vendosur në nënkalimin e rrugës " Bill Klinton" (në afërsi të KEDS), ku me këtë veprim kandidatët dhe subjekti politik LDK kanë bërë shkelje të nenit 34, paragrafi 1 nën paragrafi 1.2, të Ligjit Nr.08/L-228 për Zgjedhjet e Përgjithshme në Republikën e Kosovës, LZP. Parashtruesi i ankesës ka bashkangjitur si provë, fotografi që dëshmon vendosjen e banerit/posterit në kundërshtim me LZP.

Në përgjigjen në ankesë subjekti politik LDK, thekson se në rastin konkret kemi të bejme me vendosje të posterit me Pëlqim të Pro Trade shpk, e cila ka kontrate koncesionare të shfrytëzimit të Nënkalimit për 35 Vite, sipas proves së bashkengjitur në këtë ankesë.Përgjigjes në ankesë ka bashkangjitur si prove: Kontratën koncesionare e lidhur në mes të Komunës së Prishtinës dhe N.T.SH "Pro Trade", ndërtim me koncesion i nënkalimit me hapësira për afarizem ne rr."Bill Klinton" të KEK-u ne Prishtine; Pelqimin dhe njoftimi per vendosje të banerit/posterit në objektin e nënkalimit; dhe Certifikatën e Regjistrimit e ARBK.

PZAP-i, pasi që shqyrtoj dhe vlerësoi ankesat, gjeti se:

**-Ankesa është e pa bazuar**

Paneli pas shikimit të shkresave të lëndës dhe përgjigjes në ankesë të paraqitur nga Subjekti Politik LDK, vlerësoj se pretendimet e Subjektit Politik LVV, janë të pa qëndrueshme dhe si të tilla i refuzoj për faktin se veprimet e përshkruara në ankesë nuk paraqesin shkelje të dispozitës së nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose në hapësirat private pa lejen e pronareve ose shfrytëzuesve.”*

Parashtruesi i ankesës i referohet shkeljes së dispozitës ligjore të lartcekur, mirëpo paneli në bazë të shkresave të bashkangjitura në përgjigje në ankesë, në këtë rast ka ofruar njoftimin me të cilin është dhënë pëlqimi nga Pro Trade SH.P.K, cila ka kontrate të datës 17.09.20009 me numër prokurimi 61609102611, ndërmjet PRO TRADE SH.P.K dhe Komunës së Prishtinës, të cilës i ka njohur të drejtën e koncesionit mbi objektin e nënkalimit për 35 Vite, me numër të regjistrimit të biznesit 70337547, përfaqësuar nga Gazmend Kelmendi, me titull të kontratës “Ndërtimi me koncesion i nënkalimit me hapësira për afarizëm në Rr.”Bill Klinton”- të KEK-u në Prishtinë, ku i njëjti me datë 30.01.2025, i ka dhënë pëlqim për shfrytëzimin e hapësirës publike për vendosjen e banerin/posterin në hapësirat/rrugët publike të kandidatëve për deputet të LDK, Lumir Abdixhiku dhe Xhafer Gashi, të vendosur në nënkalimin e rrugës "Bill Klinton" (në afërsi të KEDS), e bashkangjitur si provë në përgjigje në ankesë, dhe mbi këtë bazë paneli vlerëson se veprimet e tyre nuk janë në kundërshtim Rregulloren Zgjedhore Nr.07/2024, të Drejtat dhe Obligimet e Subjekteve Politike gjatë Fushatës Zgjedhore, lidhur me Ligjin Nr.08/L-228, për Zgjedhjet e Përgjithshme në Republikën e Kosovës.

Andaj duke u mbështetur në nenin 117.3 të LZP-së ku përcaktohet se *“vendosja për ankesat nga PZAP-ja mbështetet në dëshmi të qarta dhe bindëse”*, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesat nga parashtruesi i ankesave nuk paraqesin shkelje të dispozitave të lartcekura, dhe të njëjtat i refuzoi si të pabazuar.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa  
Anr.256/2025 më datën 01.02.2025

**Kryesuesi i Panelit,  
Skender Çoçaj**



**KËSHILLA JURIDIKE:** Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimimit të këtij vendimi.